

DISSERTATIO THEOLOGICA

DE

USU RATIONIS IN RELIGIONE COGNO-
SCENDA ET DIJUDICANDA.

QUAM

CONS. MAX. VEN. FAC. THEOL. ABOENSII

P R A E S I D E

Mag. **GUSTAVO GADOLIN,**
S. S. Theol. Prof. Prim. Archi-Præpos. Ord. de S. Wolodim.
in IV:ta Cl. Equite Acad. Imp, h. t. Rect.

PRO CANDIDATURA THEOLOGICA


Publico Examini modeste offert


GABRIEL HIRN,
L. L. O. O. Docens.

In Audit. Theol. d. XXVIII. Nov. MDCCCXII.

h. p. m. f.

ABOÆ Typis FRENCKELLIANIS.





Uberrima bona vari generis, congenitumque studium
iis fruendi, nobis esse natura concessa, satis nos docet
experientia. Condemnanda itaque haud esse potest ope-
ra exquirendi, quomodo participes fiamus benignitatis
divinae, in nostra promovenda felicitate in primis conspi-
cuae: nec mirari debemus, antiquissimos jam philosophos
in legum, ab hominibus felicitatis studio flagrantibus ob-
servandarum, definitione stabilienda in primis virium in-
genii iuatum periculum fecisse. Probe quidem scio,
felicitatis studium nostris temporibus, utpote impium, ho-
mique ratione praedito indignum, a Criticis Philosophis
rejici. virtutemque, ut ajunt, solummodo propter se, sine
respectu felicitatis, exercendam esse, malum vero ob pravita-
tem, sine respectu effectum, fugiendum (a). Neque negare
velim iudatum eorum principium homini excuto quo-
dammodo & eatenus sufficere, quatenus is officiorum rationi
con-

(a) vide KANT: *Die Religion innerhalb der Grenzen der blossen Vernunft*, Vorrede p. IV, V.

siderandæ & sequendæ adsvetus, quovis tempore non opus habeat per ambages disquirere, utrum hoc vel illud sit honestum an turpe, sed exercitatione & usu ita facile, quid agendum sit, quid omittendum, videat, ut ne syllogismo quidem a rei ad felicitatem vi ducto se uti animadvertiscat. Rudiores vero quod attinet, apud eos idem principium valere, ne acerrimi quidem ejus propugnatores affirmant. Sensus enim recti, tanta apud eos non est vis, ut ejus ductum, misso omni effectuum respectu, sequantur (b); sed potius pretium actionum morale ex eorum consequentibus aestimant & metiuntur. Nec video quomodo ideam recti sibi primo formaverint mortales, nisi experientia edocti, quid iis expediat, quid minus quo facto dein cognoscere cœperunt, an & qua conditio ne iporum actiones omnium felicitati congruant. Hanc viam semper inceserunt homines (c), hanc quoque ingrediuntur hodie intantes, qui, ubi ideam recti hoc modo sibi compararunt, ejus ductum sequuntur, quoniam ad felicitatem dicit. Hac itaque ratione idea recti homini rationali inculcanda est, ut effectus ejus bonus, & idea mali,

(b) Quod quidem concedere etiam nobis videtur Cel. KANT I. c. Vorrede p. VI. "Denn ohne alle Zwickbeziehung kann gar keine Willensbestimmung im Menschen statt finden" Ec. cfr KÖPPEL: Bibeln et verk af gudomlig Wishet, öfverlättning af WULF I. Delen p. 156-171.

(c) Legem animis nostris inscriptam esse statuitur Rom. 2: 15; sed verba haec nihil aliud significant, quam esse homines idoneos, qui sensum recti sibi formare possint; alias enim ideas innatas præsumemus. In hunc errorem fere incidit JAKOB (*die praktische Philosophie*) dicens: nos primum agnoscerre auctoritatem legis moralis in nobis inhabitantis, deinde ordinem moralem, tum Dei nobis formare ideam &c.; sed præcedit has notitias felicitatis studium.

malī, ut effectus ejus malus esse demonstretur? (d). Hoc rite facto homo etiam præditus ingenio minus excuto, perspicere potest, non solum proprium commodum, ut principium actionum æstimandum esse, sed per se ipsum si bi quoque habet, uniuscujusque & universorum felicitatem (e) nos ad bene agendum movere debere; alias enim proprii comodi studium, alios nocendo, nos ad prava seducere posset facta. Unius individui felicitatem aliorum repugnare felicitari, urget Cet KANT, sed quis unquam negabit nostram felicitatem augeri, aliorum felicitatem promovendo? Quis unquam docuit, vi its obrutus felices esse, felicitatemque male agendo comparari posse (f)? Hominis itaque est suam promovere felicitatem, ut consilium sequatur Creatoris. Quorsum ducentia benignissimus omnium rerum moderator quo dedit lumina hominibus vitæ spantium percurrentibus, quorum ope secrete committere se possint lubrico itineri. Rationem (g) pura & Revelationem, cuius utriusque ultimus est finis ut edoceantur mortales, quid iis credendum, quid agendum ad felicitatem obtinendam. Sæpe vero sæpiusque pretium & Rationis & Revelationis in dubium vocatum fuit, diversisque temporibus vel illa vel hac, si non proflus contemta,

A 2

(d) Hinc sequitur, non solum consilium, quod nos ad male agendum movet, vituperandum, sed & ipsos effectus, qui ex pravo illo consilio emanant, malos æstimandos esse; sæpe enim latent consilia hominis. Huius sententia non faverit JAKOB L. c. p. 504., qui effectus, nec bonos nec malos esse urget.

(e) v. CICERO: *de Officiis* L. I. c. 7.

(f) Hinc patet: sui ipsius amorem (verum scil. & sanum), haud esse principium malū, ut placet Ceto KANT l. c. p. 51.

(g) Rationem heic *subjektive* intelligi, sc. facultatem cognoscendæ & dijudicandæ veritatis, per se patet.

tentata, tamen plus justo minoris aestimata fuit. Cum autem, ut infra videbimus, Revelationi per Christum patefactae uni debeatur solidior in re morali doctrina, Religionem Christianam, sanus quisque, ut summum Dei optimi, maximi beneficium non potest non aestimare. Rationem vero, cuius in pretio statuendo valde dislenserunt tam Philosophi quam Theologi, esse & necessarium & utilem in Religione cognoscenda & dijudicanda, exponere jam conabor, Specimen aliquod Theologicum bonorum subjecturus censuræ; quo in opere, nil mihi erit dulcius, nil jucundius, quam si quid recti & veri in materia gravissima proferre possim.

§. II

Primo igitur videbimus, quid valeat Ratio in *inveniendis dogmatibus* ad Religionem pertinentibus. Monendum vero, nos in hac disquisitione considerare Rationem, qualem, absque ullo adjumento Revelationis; historia enim fidissima rerum testis, nos docet: philosophos multum Rationi humanæ tribuisse, quod soli Revelationi debemus. Religio igitur cum ad felicitatem ducere debeat, in hac quæstione quam maxime est necessarium, ut probe teneamus, quid sit felicitas; in qua re difficultioris indaginis, haud sine metu, meum feram judicium, quod tamen ob ejus tractandæ nexum cum materia mihi proposita, haud suspendendum puto. Neminem, accuratiorem penitentem fugit, voluptatem, qua fruimur, vel externis blandiri sensibus, vel Intellectui vel Voluntati satisfacere, & hinc varii quidem pretii esse, ita ut oblectatio sensuum externorum infimum teneat locum, nobiliorem constituat gradum jucunditas. Intellectus, summum autem culmen occupet satisfactio voluntatis, indeque exorta tranquill.

quillitas conscientiae (h). Quo arctius hos sensus invicem quis conjungere & suos reddere possit, eo feliciorem eum existimaverim. Defectus vero horum sensuum nobiliorum, omnem destruit felicitatem. Venditet te felicem, qui sensualibus fruitur delectationibus, nobiliore carens gaudio; arrogantiæ hoc esset, non intimæ persuasoris. Sublimi vertice sidera feriens philosophus (semetipso saltim contentus), felicem te prædicet; illum tamen egestate presulum, morbo laborantem, amicis destitutum, conscientia morsibus laceratum, quis beatum credat? Felicissimus quidem censi debet, qui sibi conscientia est recte factorum & benignitatis divinæ condonatricis; tamen pium istum multo feliciorem aestimem, si intellectu prædictus exculto, bonis etiam sensualibus fruatur. In constituenda itaque notione felicitatis, quid valeat Ratio, facili observamus negotio: gradus nempe felicitatis accurate distinguit: nobiliores præcipit jucunditates, & quamvis sibi relieta, optima salutis media ignoret, talia ea tamen sperat & probat, qualia nobis patefacit Scriptura Sacra, (quod quidem ex sequentibus patebit).

Notione felicitatis jam definita sequitur, ut videamus quid valeat Ratio in inveniendis veritatibus ad felicitatem maxime necesariis, versantibus circa has questiones: Num existat Deus? quælibet existat? num summa potentia, sapientia, benevolentia prædictus mundum regat? num facta nostra observet, fata dirigat? quid homo? quare in mundum creatus? quid agat, ut consilio creationis suæ satisfaciat? quamdiu duratura sit ejus existentia? num rationem reddere debeat actionum? quomodo conscientia malefactorum satisfiat? In enodanda vero questione: num Ratio proprio Marte has doctrinas invenire possit? historica potius quam metaphysica argumenta sequemur.

Vulg:

(h) Celsus JAKOB I. c. p. 499 in not. Haud essentiri possum, qui conscientiam recte factorum, physicam vocat jucunditatem.

Vulgi vetustissimi superstitiones præteriens opiniones, Philosophorum celebritate maxime insignium, quibus Revelationis lux negata fuit, breviter recentebo his de rebus sententias.

Existentiam Dei, ut entis præter naturam, non solum credebant horum plurimi, sed etiam elegantissime exponebant argumentis e contemplatione mundi desumptis ⁽ⁱ⁾). Nec ideo an potius argumentum, Dei existentiam probans, inveniri posit, ac illo una ab effectibus ad Causam ultimam, summis ornatam perfectionibus summum, & captui omnium accommodatisimum ^(k).

Summum illud Numen sapientissimum atque benignissimum, universum sapientissimo ordine gubernare mundum, perspicuum sibi habuerunt: nec universi solummodo tenebre regimen, sed & hominum fata paterna dirigere cura ^(l), & cogitata eorum, occultissima etiam scire ^(m). Ho-

(i) **XENOPHONTIS** Memorab. Socr. L. I. c. 4. §. 4—19. CICERO de Nat. Deor. L. 2. c. 1—12., alios ut taceam.

(k) Laudent Philosophi Critici argumentum sic dictum *Morale*, utpote unice firmum; sed alia ut siue quæ, ad ejus vim infringendam haud male afferri possunt, vulgi saltem superare captum, ideoque ad pietatis & morum studium promovendum insufficiens idem esse existimaverim, cfr. Rom. 1: 20.

(l) **XENOPH.** Mem. Socr. L. I. c. 4. §. 4—19, L. IV. c. 3. & CICERO de N. D. L. 2. c. 31—36.

(m) Miror Ven. Less: Ueber die Religion P. I. p. 39. (nimio forsitan Religionis Christianæ defendendæ studio ductum) hoc negare velle, cum evidenter sint **XENOPHONTIS** verba L. I. c. 1 §. 19. Σωκράτης δε πάντα μεν ἡγείτο Θεος εἰδεῖν, τα τε λεγομένα καὶ πραττόμενα, καὶ τα σὺν βθλεούμενα &c.; e contrario precabatur Socrates, ut Di bona largirentur, utpote qui optime scirent, quid hominibus conducebat, quid minus. L. I. c. 3. §. 2, & L. I. c. 4. §. 19.

Hominem præstantissimis ornatum dotibus, & cujus causa omnia facta esent (n), juste & legibus civitatis conformiter agere præceperunt (o).

Immortalitatem animæ, non solum optabant philosophi Veteres, sed etiam sperabant (p); quamvis interdum dubii spem inter & metum hæsisse videantur (q): quin immo gratiam sortem fore proborum, improborum vero asperam, sibi fingebant (r).

In virtutibus exercendis præcipua laude eminent ARISTIDES, PHOCION, SOCRATES, CATO, quorum studia, tamquam imitatu digna, perpetua merito retinentur memoria; natura scil. duce, legis, quantum penes eos fuit, observantium præcepta (s).

Quæ

(n) XENOPH. *Mem. Socr.* L. IV, c. 3. §. 10.

(o) XENOPH. *Mem. Socr.* L. IV. c. 4. §. 3., PLATO *Apol. Socr.* cura Stephani 1578 p. 29. πεισομένοι δὲ τῷ Θεῷ μαθήτων ἡ ὑπαίρησις, quæ quidem verba demonstrant Socratem justitiæ fuisse tenacissimum; cfr. CICERONIS *de Officiis Libri III*, cuius tamen manea & insufficiens est doctrina in re morali.

(p) PLATONIS *Phædo* Ed. c. p. 63—66. p. 80. p. 106, 107. &c. CICERO *Iulius* f. *de amicitia* c. 3. EJUSD. *Cato Major de Senect.* c. 19.—21, 23.

(q) Vide finem *Apologiae Socratis* & CICERONIS *Latius* c. 3. EJUSD. *Cato Major* c. 19.

(r) PLATONIS *Phædo* Ed. c. p. 113, 114. & CICERONIS *Somn. Scip.* c. 3. atque 9. (quamvis falsis mixta sit hæc eorum doctrina opinionibus).

(s) Rom. 1: 19, 20. Rom. 2: 14, 15. Act. 14: 16, 17.

Quæ omnia, quamvis ita essent, insufficiens tamen & manca erat cognitio veterum philosophorum in doctrinis ad felicitatem maxime necessariis, quod ad ambitum eatum non minus quam certitudinem & perspicuitatem, nec modo dubiis vexata (t), vanisque hominum referta commentis (u), sed etiam in nonnullis detectu prorsus laborans, v. c. in doctrina de precibus, quibus an & quomodo placari posse Deus, utrum anxi imperfectionis suæ conscientia, & necessitatem divini auxilii sentientes, tamen ignorabant (v).

Quamvis itaque non possumus, quin grato agnoscamus animo Dei beneficium, qui lumen Rationis hominibus concessit; multo tamen feliores, populis aliis Christo antiquioribus, estimare debemus EBRAEOS, quibus divina accedit revelatio, cujus ope solidior ipsis contigit rerum divinarum notitia, quam qua gaudebant summi vetustioris ævi philosophi. Etenim Ebraitis doctrina de uno Deo, a mundo hocce diverso, iis non solum cognita sed & certior & verior, ac apud Ethnicos, fuit, quod ex plu-

(t) Conferatur e. g. in doctrina de Deo CICERO de N. D. L. 1. c. 6. "Profeto eos ipsos, qui se aliquid certi habere arbitrantur, addubitare coget doctissimorum hominum, de maxima re tanta dissensio. In providentia divina invaluit opinio: Magna Dii curant, parva negligunt". (CICERO de N. D. L. 2. 66.) De immortalitate animæ dubia eorum vides PLATONEM in Apol. Soer. versus finem, & CICERONEM in Lælio s. de amicitia c. 3. Eiusdem. Cato Major de Senect. c. 19 & sic in ceteris.

(u) Oraculis e. g. fidem habuerunt: præsertim in rebus obscurioribus Numen consulendum præceperunt, vides XENOPH. Mem. Scrr. L. 1. c. 1. §. 3, 6, L. IV. c. 7. §. 10. CICERO de N. D. L. III, c. 2.

(v) PLATONIS Alcibiades L. 2. §. 13 ubi Socrates sapientissimum veluti divinatione præcipit futurum Doctorem, officia erga Deum & proximos expositurum.

plurimis V. T. locis constat (x). Hoc de summo rerum
 Creatore & Gubernatore (y), ideas sibi formarunt valde
 sublimes; nam ut ex altera parte eum immenæ sapientiæ
 ac potentiæ esse crediderunt (z), sic ex altera, eum pa-
 terna cura clementissime hominum, ac in primis sacræ suæ
 gentis, prospicere saluti, perspicuum sibi habuerunt (a).
 In providentia divina ex ipsorum sententia, certant inter
 se justitiæ & clementiæ indicia: universalis & infinita est
 ejus bonitas (b), justa, gravita & æterna. De omni-
 scientia Dei atque speciali ejus de hominibus cura,
 excellas sibi fixerunt notiones (c). Dignitatem hominis
 maximi habuerunt, atque illum ut principem rerum crea-
 turum æstimarunt (d), eum in finem creatum, ut recte

B

fa.

(x) Ex. 45: 5. 6, 21, sq. Deut. 4: 35, 6: 4. Ps. 86: 8—10. Deut.
 32: 39, 40.

(y) Ps. 19.

(z) Gen. 1: 3. Ps. 104. (cf. Cœ. de N. D. L. 2. c. 39.), Ps. 148:
 5. Ex. 40: 12, 13, 15, 25. &c. Job. 28: 23. &c.

(a) Ps. 27: 10 Ps. 36: 6 &c., Ps. 103: 11. &c. Ps. 145: 14.

(b) Ps. 86:

(c) Ps. 159.

(d) Videbis Historiam creationis, ubi hæc res dilucide exponitur &
 innumera alia loca e. g. Ps. 8: 7. &c.

faciendo (*e*) felicitatis, non solum hac in vita (*f*, sed etiam in futura illa (*g*), particeps fieri possit. Homini itaque haud perinde esse vere senserunt, utrum recte ageret an non; cum malorum factorum culpam poena premat comes, recte vero facta gratia sequatur benignissimi Numinis (*h*): hinc proborum confidentia illa filialis, qua Dei curæ sepe committunt (*i*), & in angustiis solatium, in spe liberationis & salutis positum (*k*). Quam contraria est hæc eorum fiducia horrendo isti timori: 'Imposuistis in cervicibus nostris sempiternum dominum, quem dies & noctes timeremus' (*l*)! Quantum eorum in adversis pia constantia opposita desperationi isti: 'Injurias

for-

(*e*) Ps. 51: 18, 19. Totus hic Psalmus docet, Ebraicis injunctum suis-
se non solum legaliter sed & moraliter legum observare precepta;
iniquum itaque fert judicium Cel. KANT (l. c. p. 186—189), qui
omnem Religionis Mosaicae prorsus tollere studet laudem dicendo:
eam externa tantummodo, (misla omni morum emendatione), pœ-
nis vel pœniis constituendis, præcipere officia, ceteris nationibus
& gentibus haud communia, indeque colligit (p. 189.) Ebraeorum
& doctrinam moralem & ideam Dei, nullius esse pretii. Cfr. por-
to Deut. 6: 5. Lev. 19: 2.

(*f*) e. g. Ps. 25.

(*g*) Multum disputatione Theologi, an appareant in V. T. vestigia do-
ctrinæ de immortalitate animæ; nobis quidem ad hanc questionem
affirmando respondendum videtur; cfr. præter alia loca hanc rem de-
monstrantia, Gen. 5: 24. coll. cum Ebr. 11: 13—16. Ecclef. 12: 7—
Dan. 12: 2.

(*h*) Jer. 17: 10.

(*i*) Ps. 68: 6. Ps. 89: 27. &c.

(*k*) Ps. 91.

(*l*) CICERO *de N. D.* L. I. c. 20.

II

fortunæ, quas ferre nequeas defugiendo relinquas"^(m)?
Virtus Ebræis consequens quasi fuit in imi erga Deum a-
moris; & profecto quodnam principium officiorum hos
mine est dignius, quam ut Dei præceptis, non ex metu,
sed ex amore filiali, spe felicitatis erecti, satisfacere stu-
deamus ⁽ⁿ⁾?

Quamvis igitur longe majores in re morali progres-
sus fecerint Ebræi, Revelatione adjuti, quam sapientissimi
Philosophorum apud ceteras gentes, illis tamen in infantia
quasi culturæ adhuc constitutis, Summo Numini haud
placuit, omnes eas revelare veritates, quas divina nobis
patefecit RELIGIO CHRISTIANA, omnes supplens defectus,
quos sentit Ratio sibi relicta. Cognitionem nempe de u-
nitate Dei optimi, maximi ^(o): de providentia Dei pater-
na ^(p): de amore Dei in genus nostrum universalis: de
homine præstantissimis ornato dotibus, summæ felicitatis
in hac & futura vita capace, per ingenii culturam, per
pietatem modestam ^(q), per spem denique futuræ vitæ:

B 2

de

(m) CICERO Tusc. Disp. L. V. c. 41.

(n) cfr. Jacob I. c. p. 479. (quamvis & ille felicitatis condemnet studium).

(o) Joh. 17: 3. I. Tim. 2: 5. I. Cor. 8: 6. Ephes. 4: 5.

(p) Matth. 6: 26 &c. 10: 30. &c. I. Cor. 12: 6.

(q) Anxie & vi coactum suis stare officiis absconum quidem est, sed
nimia tamen propriis virtibus habita fiducia minime probanda: læ-
titia enim ista ex hac fiducia exorta, quam Cel. KANT (I. c. p. 12.
not.), ut criterium vere virtutis laudat, suspecta est, & sœpe nihil
aliud, quam φιλωτίαν innitit turpem, cum e contrario seria poe-
nitentia & modestia sibi rebusque suis adhibita attentio, primum
efficiat emendationis gradum. 2. Cor. 7: 9, 10. Luc. 18: 13, 14.

de immortalis animæ (r) futura forte seu felici seu infeli-
cli (s): Christianus quisque ope Revelationis, non mo-
do æqualem cum Ebræorum illa accipit, verum valde
etiam ampliorem ac emendatiorem & certiorem. Sed
venio jam ad doctrinam maxime salutarem, quam nobis
exhibet Religio Christiana, de *Redemptione* per Christum,
quam totam quantam ignorat Ratio sibi relicta. Nec
ulla in re benignitas Dei clarius & exspectatione omni
nostra major, quam in negotio Redemtionis, quo imbe-
cillitati nostræ gratuito succurritur (t). Nam quis foliat
egenum fe non sentiet, justitiam Dei cum sua imperfe-
ctione morali comparans? Quis se suaque cogitans, se
peccatorem non agnosceret? Quis hinc latus non ample-
ctetur Religionem Christianam, docentem: gratiam Dei
nobis patere, modo ordine debito meritum Christi
apprehendamus (u).

Soli

(r) Joh. 5: 28, 29. Act. 24: 14, 15. 1. Thess. 4: 13.

(s) Matth. 25: 31. sq. 2. Cor. 5: 10.

(t) 1. Joh. 3: 5. Tit. 2: 14. 1. Pet. 2: 24.

(u) Nobis injunctum esse malum fugere & virtuti studere, per se pa-
tet. Religio enim qua docere fingatur, nos, sine ullo nostro e-
mendationis studio, probos atque beatos, solis precibus recitandis,
fleri posse, sibi non constat; nam si conversio a Deo perageretur
nullo respectu ad hominum animi sensus, desideria, & conatus:
habito, libertas nostra tolleretur, qua demta nullius pretii essent a-
ctiones hominum, & salus nostra ex absolute Dei penderet decreto,
quod statuere impium. Religio vero Christiana, ut virtuti stude-
mus, idem etiam postulante sanctissima Dei iustitia, præcipit.
Matth. 5: 40. 7: 21. Joh. 15: 8. Rom. 2: 13. Gal. 5: 22.
1. Petr. 1: 15, 16. 2. Petr. 1: 5-8. Iac. 1: 22 &c.

Solidiorem atque uberiorem rerum ad salutem pertinentium cognitionem Religioni in primis Christianæ debet, vel inde quoque demonstratur, quod post Christum in morali doctrina Philosophi etiam Ethnicorum e.g. SENECA, EPICETETUS, MARCUS ANTONINUS, cet. (*v*) subtilius & verius senserint, quam antiquorum temporum illi. Quæ eadem ratio est, cur etiam scientiæ alii variæ & utilissimæ, ubicunque Religionis Christianæ alma fulsit lux, nova indies ceperint incrementa. Felices ergo multiplici nomine sumus, quamdiu laudata illa luce collustramur, & timendus omnino esset noster status, si Religio Naturalis sola apud nos valeret (*x*). Sed ita sentiendum puto: auxiliates sibimet invicem præbeant manus Ratio & Revelatio; hujus enim est, non solum ea, quæ Ratio indagare potest, confirmare, sed & illius in re morali supplere delectus. Rationis autem officium est, divinam librorum Sacrorum debite examinare originem, & quid continent cognoscere & diligenter perscrutari; sed de his mox ulterius.

§. 2.

Jubet ordo, ut jam paucis ostendamus, quid valeat Ratio in iis eruendis & dijudicandis veritatibus, quas nobis patefecit Revelatio. Eruendæ vero hæ sunt e libris sacris, quorum ergo recta opus est *interpretatione*, quæ tota quanta Rationi debetur soli nobis præbenti hermeneutica adminicula, quorum vi non modo genuinum intelligamus verborum, quibus usi sunt sacri scriptores, sensum, sed etiam ad orationis seriem, & quæ reliqua sunt attenden-

do

(v) cfr LESS I. c. P. 1. p. 191-219.

(x) Quod tamen non solum optat, sed & sperat Cel., KANT I. c. p. 179.

do, consilium, quo scripserint, sive quos sensus in suis
lectoribus excitare voluerint, aperiamus (y). Etenim i-
dem vocabulum diversis locis diversas habet notiones (z);
alibi vocabula occurunt, sono diversa, sed eandem rem
signi-

(y) Libros sacros ita interpretandos esse, ut quicquid illic confineant
necessario congruere jubeatur cum Religione naturali, sententia
est Cel. KANT (l. c. p. 157-166); quod vero est illis vim maxi-
mam inferre. Nec si eam sequanur methodum, a committendo
petitionis principii vitio longe aberimus, primo scil. ac antequam
ad S:am S:am legendam nos contulerimus, e rationibus quibusvis
a priori ductis stricte definientes quid in S:a legatur, & dein spre-
tis grammaticis praeceptis per operam aliquam (si placet) interpreta-
toriam obtudentes Sacris scriptoribus sensus, quos sive habuerint si-
ve non habuerint, eosdem scil. quos prævia illa transcendentali ratioci-
natione esse eorum assumerimus. Quo artificio si uti in aliis etiam veli-
mus, nescio quem librum ita interpretari non possumus, ut ex eo quilibet
sensus elicatur. Ceterum Scriptura Sacra morum contineri doctri-
nam maxime sublimem, & optime Rationi congruentem, sed sanæ
h. e. non gratuitæ cujusvis, verum grammaticæ interpretationis o-
pe ex ea eruendam, non tam haud negamus, quam potius defen-
dimus. Quod attinet ad locum Ps. 59: 11-16, a Cel. KANT al-
latum, violentæ ab ipso commendatae haud probat Interpretationis
necessitatem; nam genium spirat temporis, quo crudeles crudeliter
coercendi erant. In religionis doctrina Judaica & Christiana &
sigillatim explicanda ac confirmanda, & utraque jundit exponenda
ac secum invicem concilianda, violentiam hanc esse conspicuum,
falso contenditur (vid KANT l. c. p. 160); nam sobrie interpretari,
non est sensum torquere verborum. Recte quidem urget KANT cri-
terium verae Religionis esse hominum emendationem (l. c. p. 161);
hac vero in re errat, quod Religionem naturalem, principium o-
mnis Interpretationis esse dicat, quoniam ejus quoque finis sit
hominum emendatio; hoc enim esset sensum intrudere libro, non
sensum e libro eruere.

(z) e. g. *απολυτρωσις, πισις &c.*

significantia (a): illas itaque in sua quasi capita referre & horum exponere convenientiam, necesse est. Quod si neglexerimus, simplicitatem Religionis Christianæ cum ejus arbitria & artificiosa quavis expositione male commutabimus, atque occasionem rixis excitandis miseris noxiisque præbebimus. Rationis itaque ductu indagamus, quas doctrinas revera contineant sacræ litteræ, & e contrario illorum fugimus errores, qui sectæ suæ placita aliis obtrudere volunt, de doctrina Scripturæ jejune disputantes, priusquam de potestate & genuino verborum sensu atque de serie orationis aliquid pro certo constituerit. E qua scilicet insania ortæ sunt plurimæ dissensiones, quæ Christianos turpisimè disjunxerunt & Religionis Christianæ veritati valde obfuerunt.

Genuino autem litterarum sacrarum sensu sic elicito, de Religionis & singulis partibus & toto Systemate, Rationis est ferre judicium. Dijudicemus ergo primo, possibilitatem eorum, quæ in Religione traduntur, quæ quidem opera in articulis fidei puris, non in mixtis, locum habet, quoniam in his felicissime confirlicant Ratio & Revelatio. Cavebimus nempe ne præjudicio capti, tales amplectamur doctrinas, quæ Rationi sint contraria; eum enim in usum data nobis est Ratio, ut falsa a veris discernamus. Sed probe distinguendum inter ea, quæ Rationi sunt adversa, & ea, quæ ejus superant captum. Neminem itaque morabitur, intra cancellos Religionis Christianæ comprehendi etiam doctrinæ partes, menti humanae

(a) v. c. ευαγγελιον, Χριστος, αληθεια, ὁ λογος της αληθειας, ὁ λογος των θεων, ο νομος των Χριστων, πνευμα, ο νομος της ελευθεριας &c.

emanæ impervias: nam quæ supra hominum captum sunt (e. g. remissio peccatorum per gratiam Christi), ab excultis ingenii; optantur & sperantur. Neque nostra ignorantia naturalis veritatem eorum infringere potest; nam in mundo etiam sensuali multos experimur effectus, quorum causas & rationes perspectas nobis haud habemus. Stultum igitur existimaverimus, qui e. g. ignis vim negare velit, quia naturam ejus interiorē explicare frustra studebit. Pariter neque probanda est, quæ tamen apud multos invaluīt, licentia de iis Religionis veritatibus, quæ Rationem sibi relictam latent, dubitandi.

Quibus ergo positis & concessis, & cum demonstratum sit, nullam veritatem in Religione Christiana patefactam Rationi repugnare, quin potius ei optime convenire, Rationis ope *deinde* perspicimus nexum firmissimum, quo inter se revelatae veritates ita cohærent, ut non nisi vi a se invicem divelli possint; quam arctissimam earum mutuam conjunctionem nemo negabit, cui curæ cordique fuit debitam Religionis Christianæ capitibus examinandis adhibere attentionem. Sed quid multa in te tam clara, tam testata?

Sentit *demum* Ratio beneficam Religionem Christianam, dubitationes omnes, in quas Ratio sibi reicta adducitur, tollere (ut jam in §. antecedenti demonstravimus), indigentiaeque nostræ morali optime mederi, ideoque Eam ad nostram felicitatem maxime esse *necessariam*.

§. 3.

Ut deo, quæstione generatius tractanda, latum de Religionis præstantia judicium sequitur Religionis vel *appro-*

approbatio, si criteria veritatis contineat, vel si secus, ejus reprobatio, ita idem omnino in examinanda Religione Christiana obtinet. Approbationem vero nostram quæ i-
tidem tota quanta Rationis est, in primis meretur Reli-
gio nobis præstans ea ad salutem ac consolationem no-
stram necessaria, quæ aliunde derivari ac peti non pos-
sint. Quam Christianismi esse laudem longe præstantissi-
mam, quis inficias ibit? Sic v. c. doctrina de origine &
propagatione mali (*b*), quæ valde exercuit ingenia Philo-
sophorum, & illa de Remissione peccatorum per Chri-
stum imperanda ejus sunt indolis, ut nonnisi in Re-
ligione Christiana digne. Rationique sufficenter exponan-
tur (*c*). Dei justitiam lœdunt, qui hominem veniam pos-
se obtainere peccatorum dicant, solum ob clementiam di-

C

vinam

(b) Hæc doctrina ita tradetur, ut Dei iustitia & hominum libertas non tollatur. Dedit Deus homini propensionem seu prædispositionem (*Habung*) ad bene vel male agendum juxta arbitrium libertate voluntatis (*Willkür*), quæ bona aut mala adoptare potest principia: h. e. creavit Deus hominem sine culpa, innocentem, talem vero, ut peccare vel non peccare posset. Nec injuslus fuit Deus, qui homi-
num talem condidit; alias enim hominis aut omnia facta *ordines operæ*
faissent, aut libertas subiata. Neque Dei fuit culpa, sed homi-
num, quod libertate sua malum sequendo abuterentur. Simplicissi-
ma hæc rei expositio haud placet *Celso KANT*, qui urget: primum
hominem sine ulla quidem propensione fuisse creatum (l. c. p.
45.), sed tamen sensuum induxitque impulsui, atque Adami poteris
innatum inesse propensionem, illis imputandam, quoniam in libera
hominis voluntate querenda est (l. c. p. 35); que quomodo inter
se cohærent, me latet. Nam unde peccatum Adami, nisi coneu-
piscentia (*Neigung*) indulgere potuisse? & e contrario: quomodo
nobis imputandum malum innatum, quod communis adhuc non
fuit? cfr Rom. 2: 6. & Rom. 5: 12.

(c) cfr Cel. ÖDMANN, (*Strödda förfök öfver nya Testamentets heliga Skrifter, Tredje Bandets första häfte p. 1—30*), qui eleganter &
perspicue Expiationis tractat doctrinam.

vinam, absque ulla interveniente satisfactione; necessarium itaque fuit, ut per Religionem Christianam certiores fieremus de beneficio Redemptionis, quo rite exposito optime conciliare possumus Dei justitiam atque gratiam, qua saluti nostræ clementissime prospicere voluit.

Religio itaque Christiana totum quoddam, seu *ausen-*
ua doctrinæ nobis præbet omnibus numeris absolutum,
 Rationi nostræ quam maxime consentaneum. Ubi enim
 consistere cogitur Ratio, utcunque ulterius progrediendi
 cupida in suis disquisitionibus, ibi Religio Christiana
 patefacit veritates, quibus rite per fidem acceptis, sum-
 mæ capaces erimus felicitatis & gratiæ divinae certo no-
 bis concii (d). Sensuum quoque & studiorum, a Reli-
 gionis Christianæ doctrina excitatorum, maxima est in mores
 & actiones vis. Nec dulcius quicquam conspici potest, quam
 tranquilla piorum vita, qui amore intimo in Deum ducti, E-
 jus mandatis omni studio satisfacere conantur (e), filiali expe-
 stantes fiducia Deum clementissime errata eorum condona-
 turum, imbecillitatemque sublevaturum; in secunda fortu-
 na modeste, in adverba patienter se gerentes. Nec in-
 singulos solum homines felicitas per Religionem Christia-
 nam redundat; sed in univerlos cœtus eam profitentes,
 nam ubi salutaris hæcce valet Religio, ibi quoque incre-
 menta capiunt scientiæ omnes quotidie, & optimæ incla-
 rescant virtutes (f). Vi itaque deprehensæ convenientiæ
 Religionis Christianæ cum Rationis præceptis, nec non
 efficaciæ ejus experientia confirmatae, ad eam approban-
 dam maxime cogimur.

§. 4

(d) Rom. 8: 37 ad finem.

(e) 2 Petr. 1: 4—11. Matth. 5: 44—46.

¶ (f) cfr Less. I, c. P. II, p. 144—152.

§. 4.

Religionem vero quam ut veram approbat, eam quoque contra insultus inimicorum defendere Ratio potest. Objici quidem nobis possit, multas gravesque e Rationis usu exortas esse ad Religionem Christianam spectantes lites; sed haec eadem lites dijudicatae quoque atque compositae erroresque refutati, Rationis ope fuerunt. Et nullus dubito, quin veritas Religionis Christianæ tanto clarius elucescat, quanto diligentius ea examinetur. Si vero quis pertinaciter infringere studeat veritatem Religionis Christianæ, neque Religionis hoc est, neque Rationis vitium, sed pravæ istius hominis voluntatis, quæ potius commiserationem nostram, quam indignationem mereatur. Nec Theologorun nonnullorum nostræ ecclesiæ antiquiorum præceptis anxie inhærendum, qui acriter iusserunt Rationem *captivari*; justa enim eorum erat indignatio de detimento, quod ceperat Religio Christiana e Philosophia Scholasticorum intricata; ipsi vero, in dijudicandis doctrinis ad Religionem pertinentibus, sobriam adhibebant dubitationem.

Hinc patet: penes Rationem, modo rite ea utamur, esse Religionem dijudicare, nam præter eam, nil habemus, quo veritatem Religionis rimari aut defendere possumus; abutuntur autem Ratione & qui eam prorsus nihil valere autem, & qui omnia Religionis respuant capita, solius Rationis captum superantia.

